

houpte kein der Crone dieselbe Crone obene haldin sal vnd der lewe mit dem rechten fusse mit synen clauwen vnden doran greiffen vnd dy halden,¹⁾ mit einer Roten vnd weissen helmdecken doruffe czweene Rote flogel dy mit guldin ader gelwen flettrichin mitsammt der helmdecken sein besprengt. In denselben Flogeln auch ein weisser lewe mit der Crone off dem houpte mit der czunge vnd clauwen als im Schilde steen sal. Als denn dieselben wapen vnd Cleynot in der mitte diss gegenwärtigen vnsers brieffs gemalet vnd mit varben eygentlicher vssgestrichen sind genedichlich gegeben vnd geben In die von neuwes von Romischer Keiserlicher vnd Kuniglicher macht czu Behemen volkomenheit in crafft diss brieffs vnd meinen setzen vnd wollen dass Sy fur-bassmer czu ewigen zeiten in allen sachen zu schumpf vnd zu ernst in Iren banyeren ingesigeln vnd an anderen steten furen der gebrauchen vnd geniessen sallen vnd mogen wo In das notdurfft vnd gefellig sein wirt Ouch von sundern vnsern gnaden. So haben wir den ytzgenanten Ratmannen vnd Stat zu Görlitz von der egenanten vnser macht gegunnet vnd erlobet das Sy fur-bassmer mit grünem ader gelwen wachs wie In das gefellig sein wirdet, alle Ihre brieffe vorsiegeln mogen von allermeniglich vngehindert. Vnd wir gebieten dorumb allen vnd yglichen Fursten Geistlichen vnd werntlichen Grauen Fryen Edeln Rittern Knechten Hauptluten herolden persevauten vogten richtern Burgermeistern Reten vnd gemeinden aller vnd yglicher Stet Merkte vnd Dorffere vnd sust allen andern vnsern vnd des heiligen Reichs vnd vnser Cron zu Behem vndertanen vnd getruen von Keiserlicher vnd Kuniglicher macht ernstlich vnd vestiglich mit disem brieff das Sy die vorgeannten Rathman vnd Stat zu Görlitz an den vorgeannten wapen vnd vnsern gnaden nicht hindern oder Irren in dheinweis Sunder Sy der gerulich gebrauchen lassen Als lieb In sey vnser vnd des Reichs swer vngnad czuuermeyden. Mit vrkund diss brieffs versigelt mit vnser Keiserlichen Maiestät Gulden Bullen Geben zu Peruss nach Crists geburd vyztzeenhundert Jar vnd dornach in dem Drewunddrissigstem Jare An sandt Johannis tag Decollationis. Unser Reiche des Hungrischen etc. Im sibenvndviertzigisten des Romischen Im vyrvndczweyntzigisten des Behemischen Im Viertzehenden vnd des Keisertumbs Im Ersten Jaren.“²⁾

Wenn im Eingange dieser Urkunde von einem der Stadt verliehenen älteren Wappen die Rede ist, so muß dahingestellt bleiben, ob ein solches älteres Stadtwappen, über welches eine Verleihungsurkunde nicht vorhanden noch bekannt ist, und für dessen Existenz außer den betreffenden Worten des

¹⁾ Hier fehlen offenbar die auf den Helm bezüglichen Worte. (S. unten die betr. Stelle in dem Wappenbriefe von 1536, wo der Helm als ein „Stechhelm“ bezeichnet ist).

²⁾ 29. August 1433.